

**“SCUELE D’AVOST”****Pai docents di furlan, trê dîs di Summer School a Aplis di Davâr  
Iscrizions dentri dai 11 di Avost.**

Al è timp fin ai 11 di Avost par notâsi al cors “Scuele d’Avost”, percors di formazion estîf pai insegnants di lenghe furlane de scuele de infanzie, primarie e secondarie di prin grât. L’apontament al è **dai 28 ai 30 di Avost**, tal incjant dai monts di Davâr e plui di precîs in localitât Aplis. Il cors al è **increditât daûr des liniis vuide MIUR 2016-2019**.

E je une vere “Summer School” di furlan inmaneade dal Docuscuele, il Centri di documentazion ricercje e sperimentazion didattiche pe scuele furlane, cu la poie de Regjon autonome Friûl-Vignesie Julie, de ARLeF – Agenzie Regjonâl pe Lenghe Furlane, de Societât Filologjiche Furlane, dal Ufici Scolastic Regjonâl e cul patrocini de UTI de Cjargne e Carnia Musei.

Il program dal cors intensîf, une vore siôr e articolât, al previôt leziions frontâls cun esperts docents de Universitât che a tignaran aprofondiments di linguistiche, leterature e didattiche in/di lenghe furlane, e ativitâts laboratoriâls che a permetaran di cognossi e meti in pratiche metodologjiiis inovativis e buinis pes diferentis etâts dai students (visitis compagnadis tal teritori e elaborazion di materiâi cu la metodologjie CLIL, musiche, tecnicis artistichis, scacs, programs informatics par une didattiche interative e ancjemò di plui...).

La **partecipazion e je libare e gratuite**: si pues iscrivisi a dut il percors formatîf, dome a une zornade, o dome a une o plui leziions. L’atestât di frecuece al garantirà lis oris fatis.

Al è ancje pussibil fermâsi te stesse strutture dulà che si ten il cors o in struturis dongje (lis spesis par durmî e par mangjâ a son a caric dai partecipants).

**Si domande di segnâsi ae iniziative dentri di vinars ai 11 di Avost** midiant de schede di iscrizion che si pues domandâ ae segretarie dal Docuscuele. La schede e va compilade in dutis lis sôs vôs e inviate ae direzion di pueste [info@scuelefurlane.it](mailto:info@scuelefurlane.it).

La iniziative e previôt massime 60 iscrits.

Info: tel. 0432.501598 - int. 5 des 9:00 aes 13:00 di lunis a vinars o scrivint une mail a [info@scuelefurlane.it](mailto:info@scuelefurlane.it).

*Udin, ai 3 di Avost dal 2017*

**INFORMAZIONS PE STAMPE - INFORMAZIONI PER LA STAMPA**

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<